



შირაქი

SHIRAKI

გამოცემის 1937 წლიდან
დედოფლისწყაროს მუნიციპალიტეტის გაზეთი

№17 (10.025)
21-28 მაისი, 2022 წელი
ფასი: 60 თეთრი
ყოველკვირეული გამოცემა

დაირეკა ბოლო ზარი!...

დედოფლისწყაროს მუნიციპალიტეტის საჯარო სკოლებში ზოლო ზარი დაირეკა. მუნიციპალიტეტის რესურსცენტრის ხელმძღვანელის, ეთერ ზურიაშვილის ინიციატივით, ნელს დედოფლისწყაროს საჯარო სკოლებს 204 კურსდამთავრებული ჰყავს. სურათი უჩველია - აჟრამებული სკოლის კედლები და კეთილი სურვილები თეთრ პერანგებზე...

სოციალური ქსელიც აჭრელდა მილოცვისა და დალოცვის ტექსტებით, ნაირ-ნაირი ფოტოებით. პირველი მასწავლებლები, კლასის დამრიგებლები, სკოლის დირექცია, მშობლები თუ ოფიციალური პირები ყველა ჩაბმული იყო ამ ფერხულში.

დედოფლისწყაროს მუნიციპალიტეტის მერმა ნიკოლოზ ჯანიაშვილმა ყველა დედოფლისწყაროელ მოზარდს მიულოცა ეს მნიშვნელოვანი ეტაპი და წარმატებები უსურვა მათ ცხოვრების მომავალ ასპარეზზე.

ნიკოლოზ ჯანიაშვილი: „დღეს ძალიან მნიშვნელოვანი დღეა, საქართველოს სკოლებში დაირეკა ბოლო ზარი, მათ შორის დედოფლისწყაროშიც. ჩვენო ძვირფასო კურსდამთავრებულებო, გილოცავთ ცხოვრების მნიშვნელოვანი ეტაპის დაწყებას. მინდა, რომ უამრავი წარმატება და გამარჯვება გისურვოთ ცხოვრების გზაზე, ბედნიერი და ლამაზი სტუდენტობა! მინდა იცოდეთ, რომ ჩვენ ვიქნებით თქვენი მხარდამჭერები და ვეცდებით, შევექმნათ შესაძლებლობები თქვენთვის, რათა მიაღწიოთ წარმატებებს და თქვენ, ჩვენი მომავალი თაობა იყოს შემდგარი, რეალიზებული და წარმატებული ადამიანების ერთიანობა. კიდევ ერთხელ გილოცავთ სკოლის დამთავრებას!“

დედოფლისწყაროს N1 საჯარო სკოლის დირექტორი ულოცავს კურსდამთავრებულებს სკოლის დამთავრებას: „ჩვენო ძვირფასო მეტორმეტეკლასელებო, გილოცავთ სკოლის დამთავრებას! მუდამ გამარჯვების გზებით გველოთ. გისურვებთ, ყოველთვის იყოთ ლაღები, ღიმილიანები, ბედნიერები, წარმატებულები. თქვენ რეკორდი მოხსენით, ნელს 50 კურსდამთავრებულიდან 16 ოქროსა და ვერცხლის მედლის კანდიდატია. ეს კიდევ უპრო მეტ პასუხისმგებლობას გაკისრებთ, რადგან ეროვნული გამოცდების შედეგებსაც შესაბამისს ველოთ. გვჯერა, ბევრჯერ გაგვახარებთ მიღწეული წარმატებებით. უფალი გფარავდეთ!“



სოფ. არხილოსკალის საჯარო სკოლა



სოფ. არბოშიის საჯარო სკოლა

„სსიპ დედოფლისწყაროს მუნიციპალიტეტის სოფელ არხილოსკალის საჯარო სკოლა ყველა კურსდამთავრებულს გილოცავთ სკოლის დამთავრებას! ცხოვრების ახალი ეტაპის დაწყებას, რომელმაც უნდა მოგცეთ ახალი გამოცდილებები, ურთიერთობები, მეგობრები, ცოდნა და განვითარების ახალი პერსპექტივები. მაინც ორიგინალურია თქვენი სკოლის კედლების დატოვება „ბოლო ზარი“, უხმაურო და მშვიდი. XII კლასის დამრიგებელი - ლალი ბერელაშვილი, I კლასის დამრიგებელი - ნანა ნიკლაური. წარმატებებს გისურვებთ ამ გზაზე“. - ნათქვამია სკოლის განცხადებაში. გაზეთი „შირაქის“ რედაქცია უერთდება მილოცვებსა და კეთილსურვილებს: ბედნიერ მომავალს გისურვებთ ყველას - ჯანმრთელ, მშვიდობიან და აკონომიკურად გაძლიერებულ საქართველოში. ინგა შიოლაშვილი

კახეთის რეგიონს ზედიზედ მეოთხედ „სუფთა რეგიონის“ სტატუსი მიენიჭა

მიმდინარე წლის 13 მაისს, თბილისის საკრებულოს დარბაზში პროექტის „დავიცვათ საქართველოს სისუფთავე“ ფარგლებში, კონკურსის „სუფთა რეგიონი“ დაჯილდოების ღონისძიება გაიმართა. „სუფთა რეგიონის“ კონკურსზე, ზედიზედ მეოთხედ კახეთის „სუფთა რეგიონი“-ს სტატუსი მიენიჭა. ამჯერად კონკურსის ფარგლებში, ნომინაციაში „სუფთა ქალაქი“ ლაგოდეხის მუნიციპალიტეტმა, ხოლო ნომინაციაში, „სუფთა ქუჩა“ ახმეტის მუნიციპალიტეტმა გაიმარჯვა.

18 მაისს, ქ. თელავში, კახეთის სახელმწიფო რწმუნებულის ადმინისტრაციის ორგანიზებითა და დანიშნულების ადგილის მართვის ორგანიზაციის (DMO) „ვიზიტ კახეთი“ მხარდაჭერით „სუფთა რეგიონის“ აღნიშვნის ღონისძიება მასშტაბურად ჩატარდა.

ირაკლი შიოშვილმა და კახეთის მუნიციპალიტეტების მერებმა მოწვეულ რეგიონის რვავე მუნიციპალიტეტის დასუფთავებისა და კეთილმოწყობის სამსახურების წარმომადგენლებს „სუფთა რეგიონის“ სტატუსი პირადად მიულოცეს, წარმომად-



გენლებს მადლობის სიგელები, ხოლო მეზოვე ქალბატონებს თაიგულები გადასცეს. „ქ. თბილისში, „სუფთა რეგიონის“ დაჯილდოების ღონისძიებაზე მე პირობა დავდე, რომ ამ ჯილდოს თქვენთან ერთად გავიზიარებდი, რადგან თითოეული თქვენგანის დამსახურებაა კახეთისთვის „სუფთა რეგიონის“ სტატუსის მინიჭება ზედიზედ მეოთხედ. ეს ჯილდო ეკუთვნის თითოეულ იმ ადამიანს, რომელიც გულმოდგინედ ასრულებს სამსახურებრივ მოვალეობას და ზრუნავს ჩვენს რეგიონში ჯანსაღი, სუფთა გარემოს შექმნაზე.

მოდის ტურისტული სეზონი და კახეთი მოწოდების სიმაღლეზე დახვდება რეგიონში ჩამოსულ ვიზიტორებს. სუფთა რეგიონის სტატუსი კი ჩვენთვის დიდი მოტივაციაა, რომ რეგიონი ყოველწლიურად კიდევ უფრო სუფთა და მიმზიდველი გავხადოთ. მადლობას ვუხდით თითოეულ მეზოვეს, რომელიც ჩვენი რეგიონის სისუფთავის შენარჩუნებისთვის ერთგულად ასრულებს თავის საქმეს“ - აღნიშნა ირაკლი შიოშვილმა.

ევროკავშირის და UNDP-ის სოფლის განვითარების პროგრამა სოფლად მხარდაჭერის განვითარებისთვის

დედოფლისწყაროს მუნიციპალიტეტში, ინდემნარმემ, ზაქარია იაკობიშვილმა, სოფლის განვითარების პროგრამის მხარდაჭერით, ავეჯის მცირე საწარმოს მოდერნიზება მოახდინა, რისთვისაც 29,000 ლარი საგრანტო დაფინანსება მიიღო. შედეგად, საწარმოში წარმოების ზრდასთან ერთად დასაქმებულთა რაოდენობაც გაიზარდა.

ავეჯის საწარმოში მიმდინარე სამუშაო პროცესი სოფლის განვითარების სააგენტოს პროექტების მართვისა და ტექნიკური დახმარების დეპარტამენტის უფროსმა, შიოშვილი იაკობიშვილმა და გაეროს განვითარების პროგრამის სოფლის განვითარების გაუმჯობესება საქართველოში კოორდინატორმა, გიორგი ციმიშვილმა დაათვალიერეს.

„ევროკავშირის (EU) და გაეროს განვითარების პროგრამის (UNDP) მხარდაჭერით, სოფლის განვითარების სააგენტო ახორციელებს არასასოფლო-სამეურნეო ბიზნეს მიმართულების პროგრამას. აღნიშნული პროგრამის ფარგლებში, გაცემულია 6 მლნ ლარი თანადაფინანსება. დაფინანსდა 60-მდე ბენეფიციარი“, - განაცხადა სოფლის განვითარების სააგენტოს პროექტების მართვისა და ტექნიკური დახმარების დეპარტამენტის უფროსმა, თორნიკე კაპანაძემ.

გაეროს განვითარების პროგრამის „სოფლის განვითარების გაუმჯობესება საქართველოში“ კოორდინატორ გიორგი ციმიშვილმა განაცხადა, ევროკავშირისა და გაეროს განვითარების პროგრამის ინიციატივის ფარგლებში, მრავალი წელია სოფლად არასასოფლო-სამეურნეო ბიზნესის დაფინანსების პროგრამა საქართველოს მთავრობასთან პარტნიორობით ხორციელდება. პროგრამის ბიუჯეტი 9 მლნ ლარს შეადგენს.

სოფლის განვითარების პროგრამა ქედას, ხულოს, ბორჯომის, ახალქალაქის, თეთრიწყაროს, ყაზბეგის, ლაგოდეხისა და დედოფლისწყაროს მუნიციპალიტეტებში ხორციელდება.

სოფლის განვითარების პროგრამას სოფლის განვითარების სააგენტო (RDA) ევროკავშირისა (EU) და გაეროს განვითარების პროგრამის (UNDP) მხარდაჭერით სოფლისა და სოფლის მეურნეობის განვითარების ევროპის სამეზობლო პროგრამის (ENPARD) ფარგლებში ახორციელებს.



ზაქარია იაკობიშვილი

სასოფლო-სამეურნეო დანიშნულების მიწის ნაკვეთების მესაკუთრეთა ხელშეწყობის სახელმწიფო პროგრამა გრძელდება

სასოფლო-სამეურნეო დანიშნულების მიწის მესაკუთრეთათვის ე.წ. აგრობარათების პროგრამა კვლავ ამოქმედდა. პროგრამის მიზანია, სასოფლო-სამეურნეო პროდუქციის პირველადი წარმოების ხელშეწყობა, სისპ საჯარო რეესტრის ეროვნულ სააგენტოში რეგისტრირებული სასოფლო-სამეურნეო დანიშნულების მიწის ნაკვეთების მესაკუთრეების სტიმულირების გზით.

პროგრამის ამოცანას წარმოადგენს, სასოფლო-სამეურნეო საქმიანობის განხორციელებისთვის საჭირო საქონლის ღირებულების სუბსიდირების გზით აგროპროდუქციის პირველადი წარმოების ხელშეწყობა. პროგრამის განმახორციელებელია სოფლის განვითარების სააგენტო, მის განხორციელებას კოორდინაციას უწევს საქართველოს გარემოს დაცვისა და სოფლის მეურნეობის სამინისტრო.

პროგრამის პირობებით სუბსიდის მოცულობა განისაზღვრება: *თუ ბენეფიციარს საკუთრებაში ჯამურად გააჩნია 0.25 ჰა-დან 1,25 ჰა-ს ჩათვლით მიწის ნაკვეთი(ები), სუბსიდის მოცულობა, ყოველ 1 ჰა მიწის ნაკვეთზე გადაანგარიშებით განისაზღვრება 300 ლარით (ქულით);

*თუ მიწის ნაკვეთი ბენეფიციარების თანასაკუთრებაშია 0.25 ჰა-დან 1,25 ჰა-ს ჩათვლით, თითოეულ ასეთ მიწის ნაკვეთზე სუბსიდის მოცულობა განისაზღვრება 300 ლარით(ქულით) ყოველ 1 ჰა გადაანგარიშებით

*იმ შემთხვევაში, თუ ბენეფიციარ(ებ)ს მიწის ნაკვეთი გააჩნია, როგორც საკუთრებაში, ასევე თანასაკუთრებაში, სუბსიდის თანხის დაანგარიშებისას არ იქნება გათვალისწინებული საკუთრებაში და თანასაკუთრებაში არსებული მიწის ნაკვეთების ფართობების ჯამი და ასეთი ბენეფიციარები სუბსიდის თანხას მიიღებენ ცალ-ცალკე.

თანასაკუთრებაში არსებული მიწის ნაკვეთი(ებ)ის შემთხვევაში, სუბსიდია გაიცემა ერთ-ერთ თანამესაკუთრეზე, რომელიც ბანკში წარადგენს საქართველოს კანონმდებლობის შესაბამისად ნოტარიულად დამოწმებულ თანხმობის დოკუმენტს, რითაც დასტურდება მისი უფლებამოსილება, თანამესაკუთრეების სახელით მიიღოს და განკარგოს პროგრამით გათვალისწინებული სუბსიდია ან ყველა თანამესაკუთრის მიერ ხელმოწერილ თანხმობის დოკუმენტს, რომლის შინაარსისა და ხელმოწერების ნამდვილობაზეც პასუხისმგებელი იქნება დოკუმენტის წარმდგენი თანამესაკუთრე და რითაც დასტურდება მისი უფლებამოსილება, თანამესაკუთრეების სახელით მიიღოს და განკარგოს პროგრამით გათვალისწინებული სუბსიდია.

პროგრამის პოტენციური ბენეფიციარის შერჩევის კრიტერიუმები 1.სუბსიდის მისაღებად პოტენციურ ბენეფიციარს 2022 წლის 20 აპრილისთვის საკუთრებაში ან/და თანასაკუთრებაში უნდა გააჩნდეს მიწის ნაკვეთი(ები) ჯამური ფართობით არანაკლებ 0.25 ჰა და არაუმეტეს 1.25 ჰა ან/და არაუგვიანეს 2022 წლის 30 ივნისის ჩათვლით, განახორციელოს მიწის ნაკვეთი(ებ)ის პირველადი რეგისტრაცია ან ინფორმაციის იმ სახით დაზუსტება, რომლითაც იდენტიფიცირებადი გახდება, აკმაყოფილებს თუ არა პირი პროგრამის პოტენციური ბენეფიციარის შერჩევის კრიტერიუმებს.

2.პროგრამის ბენეფიციარი, სუბსიდის მიღების შემთხვევაში, ვალდებულია და-რეგისტრირდეს „ფერმათა/ფერმერთა რეგისტრაციის პროექტის“ ფარგლებში წარმოებულ რეესტრში.

პროგრამით სარგებლობის ინსტრუქცია: *ბენეფიციარებზე წინა წელს გაცემული აგრობარათები კვლავაც აქტიურია, ქულების დასარიცხად და ახალი ბარათების ასაღებად უნდა მიმართონ სს „ლიბერთი ბანკს“, ახალ ბარათებს ბანკი ფერმერს უსასყიდლოდ დაუზღავდეს და გადასცემს. *სს „ლიბერთი ბანკი“-ის მიერ ქულების დარიცხვა ხდება ეტაპობრივად, დარიცხული ქულების შესამოწმებლად ფერმერი უნდა დაუკავშირდეს ბანკს ცხელ ხაზზე (032 2 555 500) ან გადაამოწმოს ბანკის ოფიციალურ ვებგვერდზე პირადი საიდენტიფიკაციო მონაცემების შეყვანით. ინფორმაცია ხელმისაწვდომია ვებგვერდზე: <https://myliberty.ge/?id=agro>

6.ბარათზე დარიცხული ქულებით 0.25 ჰა და 1.25 ჰა-მდე მიწის ფართობის მფლობელებს/თანამესაკუთრეებს სპეციალიზირებულ მაღაზიებში შეძლებათ შეისყიდონ სასოფლო-სამეურნეო საქმიანობის განხორციელებისთვის საჭირო საქონელი. შენიშვნა: პროგრამაში მონაწილეობას არ მიიღებს მიწის ნაკვეთი თუ საჯარო რეესტრის ამონაწერში უძრავ ქონებას მინიჭებული აქვს სათიბი ან/და საძოვრის კატეგორია.

„მუზეუმს ეს შეუძლია“ ...

მუზეუმების საერთაშორისო საბჭოს (ICOM) ინიციატივით, მუზეუმების საერთაშორისო დღე 1977 წლიდან ყოველწლიურად აღინიშნება. ამ დღის მიზანია საზოგადოების განვითარებაში მუზეუმის როლის გაცნობიერება. „მუზეუმების ძალა“ განხილულია, როგორც სოციალურ-ეკონომიკური მდგრადობის წარმოქმნისა და შენარჩუნების შესაძლებლობა, ციფრული ტექნოლოგიების დანერგვისა და ამ გზით განვითარებისთვის ხელშეწყობა, საგანმანათლებლო რესურსების მეშვეობით საზოგადოების დაინტერესების, ინფორმირებისა და მეტი ჩართულობის უზრუნველყოფა.

მუზეუმების კვირეული დედოფლისწყაროს მუნიციპალიტეტშიც გაიხსნა, რომელიც სამი დღე გაგრძელდება და მოიცავს როგორც მხარეთმცოდნეობის, ასევე ხალხთა მეგობრობის მუზეუმებში დაგეგმილ სხვადასხვა ღონისძიებებს.

მუზეუმების საერთაშორისო დღისადმი მიძღვნილი კვირეული დედოფლისწყაროს მხარეთმცოდნეობის მუზეუმში სამეცნიერო კონფერენციით 18 მაისს გახსნა. კონფერენციის დანაწევრებულ დამსწრე საზოგადოებას მუზეუმის დირექტორმა ლალი ბასილაშვილმა მიმართა: „წლებადნელი მუზეუმების საერთაშორისო დღისადმი მიძღვნილი კვირეულის სლოგანია „მუზეუმს ეს შეუძლია“. რა შეუძლია ჩვენს მუზეუმს? ჩვენს მუზეუმს შეუძლია საზოგადოებას აჩვენოს ის, რაც საუკუნეების მანძილზე ქართულმა ხალხმა იღვანა, იპრობა, შექმნა. რა შეუძლია მუზეუმს? მუზეუმს შეუძლია წარმოგიდგინოს ის უდიდესი და უნიკალური ისტორიული მასალა, რომელიც ჩვენი მუნიციპალიტეტის ტერიტორიაზე აღმოჩენილი და გვიჩვენებს, თუ როგორ იპრობდნენ ჩვენი წინაპრები. ამაზე მეტყველებს აღმოჩენილ ადამიანთა ჩონჩხები, რომელთაც შუბის წვერი მკრედეში აქვთ დარჩენილი. რა შეუძლია მუზეუმს? მუზეუმს შეუძლია გვიჩვენოს ის თავდადება, რომელიც ხონაბუჯის ციხის მცველებმა გამოიჩინეს, მისი მტრისგან დაცვის დროს. რა შეუძლია მუზეუმს? მუზეუმს შეუძლია იმ დიდი სიყვარულის ჩვენება, რომელიც ლეგენდებმა შემოინახა. უღრმესი მადლობა მუზეუმში დასაქმებულ თითოეულ ქალბატონს, ყველას ვინც დიდი რუფუნებით, უპრეტენზიოდ, ჩუმად, წყნარად აკეთებს საშვილიშვილო საქმეს. ჯანმრთელობა მოგცეთ ღმერთმა, რომ განაგრძოთ თქვენი საქმე“.

ამავე მუზეუმის სპეციალისტმა, ლალი ბასილაშვილმა წარადგინა საკონფერენციო თემა სახელწოდებით „თავდასაცავალი კობა ჩოხელისა“. „მინდა ჩემს კოლეგებს მივულოცო მუზეუმების საერთაშორისო დღე. გისურვებ წარმატებებს შრომით საქმიანობაში. სწორედ ამ დღესთან დაკავშირებით, მინდა გამოვზაუროთ დაახლოებით ერთი საუკუნის უკან, გავხსნა ისტორიის სკივრი და წარმოგიდგინოთ კობა ჩოხელის შესახებ ჩემს მიერ მოძიებული საინტერესო სამეცნიერო მასალა. ვფიქრობ, არ იქნება ურიგო, თუკი გვეცოდინება მისი ისტორია, როგორც ადამიანის, რომელიც ჩვენი მუნიციპალიტეტის წარმომადგენელი იყო მე-20 საუკუნის პირველ ნახევარში და რომელსაც არამხოლოდ ჩვენთან, მთელს საქართველოში იცნობდნენ. ეს არის ადამიანი, რომლის თავზეც „წისქვილის ქვა არ დატრიალებულა“, თორემ იმდენი ჭირვარაში გამოუვლია, იმდენი ზობოქარი დღეები გადაუყრია, ადამიანი კი არა, ქვავერ გაუძღვებდა.“ მან გაიხსენა კობა ჩოხელის ბიოგრაფია, მის მიერ ზემო ქედში ჩამოსვლისა და დასახლების ეპიზოდები, თუ როგორ დაარსა მაშინ ჯერ კიდევ მიწურებში მცხოვრები ხალხით კობა ჩოხელმა კომუნა, გლეხურ მეურნეობათა გაერთიანება. მან ასევე განიხილა კომუნის შიდა წესდებ

ბა, მისი მოქმედების არეალი და ფართობი, კობა ჩოხელის მუშაობის სტილი და მანერა. ის, თუ როგორ ზრუნავდა მის მფარველობაში მყოფ ხალხსა და გაერთიანებაზე. კონსტანტინე ლორთქიფანიძის თქმისა არ იყოს, სილარიბესა და მოჯამაგირებაში დაელოდა მისი ცისფერი თვალები მაინც ისევე კეთილად იცქირებოდნენ, თითქოს ქვეყანაზე კარგის მეტი არაფერი უნახავთო“- აღნიშნა მოხსენების ბოლოს დალი ბალაშვილმა.

ლალი ბასილაშვილმა დამსწრე საზოგადოებას ერთი ნივთის ისტორია წარუდგინა, რომელსაც სამწუხაროდ თავისი აქტუალურობა დაკარგული აქვს და გაქრობის პირასაა მისული. მან ტიკზე, როგორც საღვინე ჭურჭელზე ისაუბრა. მის რაობაზე ხალხური გამოცანაც მეტყველებს: „ცოცხალია ბალახსა ძოვს, მოკვდება და ღვინოსა სვამს“. ლალი ბასილაშვილმა აღნიშნა, რომ ტიკი მხარეთმცოდნეობის მუზეუმის ექსპონატთა შორის ერთ-ერთი უძველესია. მან ასევე ხაზი გაუსვა იმასაც, რომ ჩვენმა ცნობილმა მხატვარმა ნიკო ფიროსმანაშვილმა თავის „ნატურმორტზე“ სწორედ ტრადიციული ტიკი გამოხატა. ლალი ბასილაშვილმა ისაუბრა ტიკის დანიშნულებაზე, რომელსაც ღვინის გადატანის გარდა, წყლის ჭურჭლადაც იყენებდნენ. გასაკვირია, მაგრამ ტიკმა მედიცინაშიც ჰპოვა გამოყენება. მაგალითად, თუ ადამიანი ღვინის ძვალს მოიტეხავდა, დაჩუტულ ტიკს ილიაში ამოუდებდნენ, ნელ-ნელა გაბერავდნენ. ასეთი საშუალე



პალური გაზეთი ხართ ის ორგანიზაციები, რომლებიც ისტორია იკვლევენ, ისტორიულ ფაქტებს და მასალებს თაობებს გადასცემენ. სხვა ამ კუთხით ნაკლებად მუშაობს და სწორედ ამიტომ, ძალიან ფასეულია ეს ჩანაწერები, მოგონებები, იმ ადამიანების ღვაწლი, რომლებმაც ააშენეს, განავითარეს, ხელი შეუწყვეს და ჩვენი ისტორიის პირველი ეტაპები შექმნეს. მადლობა ამ ისტორიის შემონახვისთვის. მინდა უფრო მეტად საინტერესო სამუზეუმო კვირეულები გისურვოთ, უფრო მასშტაბური. იმედი გვაქვს, რომ მუშაობის ჩვეულ ფორმას დაუბრუნდებით, ისეთს როგორც გვეკადრება

ყიდვით გაიხსნა. კულტურისა და ძეგლთა დაცვის ცენტრის დირექტორმა ილია მარტყოფლიძემ მუზეუმის თანამშრომლებს ნაყოფიერი მუშაობისთვის მადლობის სიგელეტი გადასცა და პროფესიული დღე მიულოცა.

ქეთევან მჭედლიშვილი, ხალხთა მეგობრობის მუზეუმის დირექტორი: „მუზეუმების საერთაშორისო დღესთან დაკავშირებით ჩვენმა მუზეუმმა გააკეთა რამდენიმე გამოფენა. გვაქვს სკოლის მოსწავლე ქეთევან ზურაბიძის ნახატების გამოფენა, არის ასევე სხვადასხვა ავტორების მიერ შექმნილი ხევისკურული ნაქარგებისა და ხელნაკეთი სამკაულების გამოფენა. ზოგი გაყიდვებია, ზოგი კი ავტორი თავად იტოვებს. ეს გამოფენები კვირეულის განმავლობაში იქნება ჩვენს მუზეუმში. გარდა ამისა, ჩვენ სათემო საქმიანობასაც ვენეკით, რომელშიც შედის სხვადასხვა ხელნაკეთის ნრები: ქარგვა, ქსოვა, კერვა. სურვილის შემთხვევაში, ჩართვა ყველას შეუძლია. მომავალში შეგვიძლია ამ ნამუშევრების გამოფენებიც გავაკეთოთ. აქამდე თითქოს მოღწეული იყო სოფელი და ინტერესიც ნაკლები იყო, მაგრამ ახლა ინტერესმა მოიმატა, ვანყოფნით როგორც მცირე საერთო, ასევე პერსონალურ გამოფენებსაც. 17 ეროვნების წარმომადგენელი იყრიდა სოფელ ხორნაბუჯში თავს წინათ. დღეს სხვადასხვა ეროვნების ადამიანები საკმაოდ მეგობრულ გარემოში ცხოვრობენ და სწორედ აქედან ენოდა ჩვენს მუზეუმსაც ხალხთა მეგობრობის მუზეუმი. ვცდილობთ, ეს ტრადიცია შევინარჩუნოთ.“

და შეგვიძლია კიდევ. მადლობა ყველაფრისათვის“.

კვირეულის გახსნას დედოფლისწყაროს საზოგადოების ცნობილი წარმომადგენლებიც ესწრებოდნენ. მანანა ყაბაშვილი, დედოფლისწყაროს ტურიზმის განვითარების ასოციაციის ხელმძღვანელი: „გილოცავთ მუზეუმების საერთაშორისო დღეს. ძალიან მიყვარს თქვენი მუზეუმი. ჩემი პირველი სამსახურის დანაწევრების დღიდან, რომელიც კულტურას უკავშირდებოდა, თქვენი გულშემატკივარი ვარ. ყოველთვის მიხარია აქ მოსვლა, რადგან ვიცი, რომ თქვენგან ძალიან ბევრი რამის გაგება და სწავლა შეიძლება. ერთი სურვილი მაქვს, რომლის შესრულებასაც ვფიქრობ, არ სჭირდება დიდი რესურსი. აქ მთავარია სურვილი და მონდობა. ვგულისხმობ ყველა ამ საკონფერენციო მასალის გაციფრულებას, რომელიც მუზეუმს მეტ ცნობადობასა და მხარხველთა მალალ რიცხვს მოუტანს“. „სამომავლოდ, შესაძლებელია ამ ინფორმაციების ერთ ბროშურისა თუ მცირე ზომის წიგნად გაერთიანება, რის შემდეგაც ჩვენ თამამად შეგვეძლება ჩვენი უნიკალური ისტორიის გაცნობა ტურისტებისთვის. ეს უიშვიათესი მასალაა, რომელსაც ყველგან ვერ ნახავთ. ეს იქნება კიდევ ერთი წინ გადადგმული ნაბიჯი როგორც მუზეუმის, ასევე მთლიანად მუნიციპალიტეტის განვითარების გზაზე. თქვენ გარდა ქიზიყის ისტორიის შესწავლაზე ასე აქტიურად არავინ მუშაობს. თუკი იარსებებს ამ მასალების ელექტრონული ვერსია, ძალიან ბევრი რამ გაგაადვილებათ. თუნდაც მისი სამეცნიერო ფუნქციონირება დაბეჭდვა, საერთაშორისო დონეზე ჩვენი ისტორიის გატანა, გაზეთში გამოქვეყნება და ა.შ. თქვენ ხართ ჩვენი სავიზიტო ბარათი, ამიტომ, ჩვენ მაქსიმალურად ვეცდებით თქვენს დახმარებას. თქვენს გვერდით გვიგულვით“- ეს ინიციატივა მკს „შირაჟის“ ხელმძღვანელმა ინგა შილაშვილმა გააუღერა.



სოფელ ხორნაბუჯის ხალხთა მეგობრობის მუზეუმში სამუზეუმო კვირეული ადგილობრივი მოსახლეობის მიერ შექმნილი ხელნაკეთი ნივთების, ნაქსოვების, ნაქარგებისა და ნახატების გამოფენა-გა-

გიორგი ხიზანიშვილი პარატაეკონდოში ევროპის ჩემპიონია



საპარატაეკონდოში პარატაეკონდოში ნაკრებმა, მანჩესტერში მიმდინარე ევროპის ჩემპიონატში ასპარეზობა წარმატებულად დაიწყო. ტურნირის პირველივე დღეს, დედოფლისწყაროელი, წარმომავლით არაოპტიკური, ჩვენთვის ყველასთვის კარგად ნაცნობი და ახლოგადასახლებული გიორგი ხიზანიშვილი ევროპის ჩემპიონატის ოქროს მედალს მფლობელი გახდა.

მან ნახევარფინალში თურქ მონინალმდეგეს ასბალა მუჰამედს სძლია და კონტინენტის ჩემპიონის ტიტულს დამსახურებულად დაეუფლა. ასევე კარგად დაიწყო შეჯიბრზე გამოსვლა ანა ჯაფარიძემაც. მან მეოთხედფინალში უზბეკ პარატაეკონდოსტს, აზის ჩემპიონს სძლია, მაგრამ ნახევარფინალში თურქ მონინალმდეგესთან დამარცხდა და ბრინჯაოს მედალი მოიპოვა. „აღნიშნულ ტურნირზე ჩვენი ნაკრების ანგარიშზე უკვე ორი მაღალი სინჯის მედალია. ვულოცავთ გიორგი ხიზანიშვილს, მთავარ მწვრთნელს შოთა გოჩიაშვილს, მთელ გუნდს ამ გამარჯვებას.“ - აღნიშნულია საქართველოს პარალიმპიური კომიტეტის განცხადებაში.

გაზეთი „შირაქი“ უერთდება მილოცვებს და საქართველოს პარატაეკონდოს ნაკრებს უსურვებს მომავალ წარმატებულ ასპარეზობებს.



ახალი ტურისტული ობიექტი მირზაანში

სოფელ მირზაანში პირველი ტურისტული ობიექტი გაიხსნა. კოტეჯები „ანარმოვ საქართველოში“ პროექტით და ევროკავშირის დაფინანსებით მოეწყო.

როგორც პროექტის ავტორმა, ადგილობრივმა, 21 წლის სტუდენტმა რატი ტოკლიკიშვილმა განაცხადა, თბილისიდან 1.5 სთ-ის სავალზე სოფელ მირზაანში, ნიკო ფროსმანის სახლ-მუზეუმთან ტურისტული ობიექტი 10 კოტეჯს, რესტორანსა და ვერანდას აერთიანებს. 13 ადამიანს ასაქმებს და ერთდროულად 30 ადამიანის მასპინძლობას შეძლებს.

ობიექტის მფლობელს ბოსტნეულისა და ხორცის ადგილობრივი წარმოებაც აქვს და დამსვენებლებს სწორედ ადგილზე წარმოებული ნატურალური პროდუქტით დამზადებულ კერძებს შესთავაზებს.

დამფუძნებელმა რატი ტოკლიკიშვილმა აღნიშნა, რომ ტურისტული ობიექტისთვის დაახლოებით ნახევარ მილიონ ლარზე მეტი მოცულობის ინვესტიცია განხორციელდა, სადაც დამფუძნებლის პირადი ფინანსებაცაა.

გარდა ინდივიდუალური ჯავშნებისა, ადგილზე სხვადასხვა სახის ღონისძიებებიც მოეწყობა. რაც შეეხება განთავსების ღირებულებას, ფასი კოტეჯების ტიპზეა დამოკიდებული და ის 150-250 ლარამდე მერყეობს.



მოსწავლეები ჭადრაკს პირველ კლასში სავალდებულო საგნად შეისწავლიან

საქართველოს განათლებისა და მეცნიერების მინისტრის, მიხეილ ჩხენკელის გადაწყვეტილებით, მოსწავლეები ჭადრაკს პირველ კლასში სავალდებულო საგნად შეისწავლიან. მოსწავლეებში ანალიტიკური, ლოგიკური, კრიტიკული აზროვნებისა და პრობლემების პრაქტიკული გადაჭრის უნარ-ჩვევების განვითარების მიზნით, ჭადრაკი ზოგადი განათლების დაწყებითი საფეხურის პირველ კლასში სავალდებულო საგნად ემატება.

„ჭადრაკი აუმჯობესებს მოსწავლეთა მრავალმხრივ უნარებს, როგორებიცაა: ყურადღება, კონცენტრირება, მეხსიერება, ანალიზი, ლოგიკა, გადაწყვეტილების მიღება, სივრცეში ორიენტირება და სხვა. ეს კი, პირდაპირ კავშირშია მათემატიკისა და სხვა საგნების სტანდარტებით განსაზღვრულ კომპეტენციებთან“, - ნათქვამია სამინისტროს განცხადებაში.

სკოლაში ჭადრაკის სწავლების დასაწყისად სამინისტრო ჭადრაკის ეროვნულ ფედერაციასთან მოსამზადებელ სამუშაოს აწარმოებს „მასწავლებლების ტრენინგების ორგანიზებისა და სასწავლო რესურსების მომზადების კუთხით“.

განათლების სამინისტროს ცნობით, სკოლებში ჭადრაკის სწავლება გათვალისწინებულია ევროკავშირის 2012 წლის დეკლარაციით, რომელიც საგანმანათლებლო სისტემებში ჭადრაკის სწავლების დანერგვას ითვალისწინებს.

ულოსავენი! რუსუდან გონაშვილს!

ჩვენო რუსუდან, გილოცავთ დაბადების საიუბილეო თარიღს! მართლაც გამორჩეული ხარ, როგორც შვილი და როგორც პედაგოგი, რომელიც სხვის შვილებს საკუთარივე უფლის და ყველაფერს აკეთებს იმისთვის, რომ მათ არა მარტო ქართული ლიტერატურა შეასწავლოს, არამედ საუკეთესო პიროვნებებად აღზარდოს. გვიყვარხარ და გვეამაყები!

გმობლავი: გიორგი (გოგი), თამარი (ასამთი) გონაშვილები, ძმა ნოდარი, და ლალი, მამიდა: თინა, ლალი გონაშვილები, მამიდაშვილები: კახა, ირაკლი ნიკუშაძეები, მამა, ლევანი კვიციანიშვილები, დედაშვილები: იმედა, გოგიტა, ხატია ნიკულაშვილები, ნათო, მამუკა გოლაშვილები, ბიძა ვაჟა, ბიძაშვილები: თაბო, ქეთიმო, ნინო, გაბრიელ ღვინიაშვილები, ძმისშვილები: თამარი, გიორგი გონაშვილები და იუზილარის ყველაზე საყვარელი ვაჟა-ცები დავით და დანიელ კიკვაძეები.

დედოფლისწყაროს მუნიციპალიტეტის მერი ნიკოლოზ ჯანაიშვილი და მუნიციპალიტეტის მერია დაბადებიდან საიუბილეო 50 წელს ულოცავს მუნიციპალიტეტის მენტორ მასწავლებელს რუსუდან გონაშვილს. უსურვებს მას ჯანმრთელობასა და ნაყოფიერ პედაგოგიურ მოღვაწეობას!

ამინდი				დედოფლისწყარო			
ორშაბათი 23.05 დღე	სამშაბათი 24.05 ღამე	ოთხშაბათი 25.05 დღე	ხუთშაბათი 26.05 ღამე	პარასკევი 27.05 დღე	შაბათი 28.05 ღამე	კვირა 29.05 დღე	კვირა 29.05 ღამე
24°	10°	19°	8°	20°	9°	22°	11°
გამომცემელი შპს „შირაქი“ დირექტორი ინგა შიოლაშვილი		სარედაქციო კოლეგია: შუშუნა ყანაშვილი (ეურნალისტი); ელზა ხარაშვილი (სტილისტ-მენეჯერი); ხათუნა ბენაშვილი (კორექტორი); ნათელა ზოსტაშვილი (ბუღალტერი); ნინო ჯანაშვილი (ოფის-მენეჯერი); მზინა ქანაძე (საქმის მწარმოებელი).				რედაქციის მისამართი: ქალაქი დედოფლისწყარო, ფროსმანის №18, ტელ. 0 356 22 22-85; 598 72-18-72 (დირექტორი) 591 09-24-65 (რედაქტორი)	
რედაქტორი ნაირა გორაშვილი-პოპიაშვილი წერილში მოყვანილ ფაქტებსა და ციფრებს პასუხს ავებს ავტორი.		გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.				რეგისტრირებულია დედოფლისწყაროს რაიონის სასამართლოს მიერ, №6014-468.	